



UNIVERSITÄTS-
BIBLIOTHEK
PADERBORN

Universitätsbibliothek Paderborn

Bernardini Scardaeonii Patauini Presbyteri de Castitate Libri Septem

Scardeone, Bernardino

Venetiis, 1542

Adhortatio ad sanctas uirginis ut cognoscant dignitatem] suam, & perstent
in proposito continentiae cap. iiii

urn:nbn:de:hbz:466:1-30433

DE SACRIS VIRG.

tempore satis sint : neque quis hic à me de laudibus uirginitatis præterea esse quærendum putet.

Adhortatio ad sanctas uirgines , ut cognoscant dignitatem suam , & persistant in proposito uirginitatis , & uoto continentiae . Cap. III.

AD uos modo nobilissimæ uirgines me conuertam, quæ & mundum , & omnes illecebras uoluptatum cõtempseritis pro Christo , cuius filia , & sponsa estis : persistate quæso in proposito , nec alium sponsum cogitate , quàm hunc ipsum Iesum , qui cum dies , ac noctes mente , & animo in cœlis uersandum est , ubi ad dexteram Dei sedet : qui licet sese præbeat cunctis amandum , nulli tamen hæret arctius , quàm dicatis sibi destinatisquæ uirginibus . Quam ob rem non est quod præter eum , quenquam , aut quicquam uobis proponatis habendum quum hic unus omnia factus sit uobis : dominus uidelicet pater , frater , & sponsum . Quid est quod desideretis amplius ? Maritalis thalamus uester est cœlum : mundus muliebris , diuina contemplatio , nuptiale domum , paradisi regnum . Hic erunt uobis perpetuæ , electissimæquæ delitiæ : nuptiæ dignitatis , sc̃licitatisquæ plenissimæ : sponsus assiduus , & gaudia sponsaliorum sempiterna . Non autem extimescenda hic uobis erit tumescens uteri grauitas , aut partus angustia , uel molesta liberorum educatio , seu mordax sterilitatis fastidium , siue diuturnus uiduitatis mœror , uel pupillorum grauis sarcina , aut ulla denique pellicis uana , ac furiosa suspitio . O uos ergo sc̃lices . Quanto sane dignior , atque sc̃licior censenda est fecunditas huiusce uestri spiritualis propositi , quàm terrenarum fertilitas nuptiarum : quantoque præstantius esse dignoscitur , nitescere mente , quàm turgescere uentre : & corde senescere , quàm habere lactescere : atque ex mundis uisceribus non in doloribus terram parere sed cœlum meditationibus , & contemplationibus parturire . Sed quid opus hic agere pluribus ? Nun

LIBER PRIMVS. ¶

quid parum dignitatis esse uidetur : aut parua ratio ad
 amplexandam charius uirginitatem : q̄ uos diuina scri
 ptura ubiq; Christi sponfas appellet : atq; in reuerentiā
 tanti sponsi (si dicere licet) uti deas coelestes adorat : Cant. 3

Quam uero pulcher, q̄q; amabilis uideri debeat nitor
 ille uirgineus, qui non solum in animo uirginis, sed
 & in uultu, & in oculis, & in omni habitu corporis lu
 cet, elegantissime per expressissimā similitudinem effin
 xit his uersibus egregius poeta Catullus.

Vt flos in septis secretus nascitur hortis

Ignotus pecori, nullis contusus aratris.

Quem mulcent auræ firmat sol, educat imber.

Multi illum pueri, multæ optaueræ puellæ.

Sic uirgo dum in tacta manet, dum chara suis: sed

Quum castum amisit polluto corpore florem,

Nec pueris iucunda manet, nec chara puellis.

Diuus quoque Martinus pulcherrima & ipse compara
 tione, quid inter uirgines, uxoresq; atq; corruptas inter
 sit, præclare suis discipulis inter eundem, ad oculum
 suo sic digito monstrauit. Refert enim Serenus Sulpi
 tius uitæ eius elegantissimus scriptor, hunc, quū aliquan
 do per à mœna prata lōge, lateq; patentia pertransiret:
 in quibus forte alibi errabant boues, alibi sues terrā de
 more rostro uertebāt: pars uero alia extabat tota à mœ
 nissima, quæ quum nulli iniuriæ esse tobnoxia, mira flo
 rum uarietate nitebat: atque tunc pro tempore uernans
 suauissimo odore fragrabat. Refert in quam hunc in
 prato medio constitisse, & conuersum ad suos, qui eum
 disciplinæ gratia sectabantur, dixisse. Respicite filii, & in
 telligite quid de uirginum, coniugatorum uive præstantia
 sit censendum. Hæc pars quam pecus depascit, speciem
 nobis connubii exhibet: quæ et si non amisit ex eo pror
 sus gratiam, atq; herbescentem uiriditatem, decus ta
 men ita perdidit, ut pristinam illam florum dignitatem,
 qua nuper tantū placuit, nequaquam retineat amplius.

DE SACRIS VIRG.

Illā uero, quam sues sic subuertunt in amœna, & for-
 dida, fœdam fornicationis imaginem reddit. At illa
 integra & intacta portio, quam cernitis uernantem flo-
 ribus, & suaue olentem, & quæ nullam pedum sensis
 iniuriam, & quæ tanta flosculorum diuersitate prædis-
 ta contemplantium animos mira uarietate delectat,
 pulchritudinem, & gratiam uirginitatis ostendit. Bea-
 ta species, & Deo digna: cui nihil potest merito com-
 parari. Quantum errant ergo hi, qui coniugio for-
 nicationem, & uirginitati nuptias æquandas censent,
 miseri, iniqui, ac stulti iudices. Verum hæc à sapien-
 tibus tenenda distinctio est: ut uirginitas spectet ad glo-
 riam, coniugium concedatur ad ueniam, fornicatio
 imputetur ad culpam. Hæc beatus Martinus scite ad-
 modum, atq; præclare: nos pergamus ad reliqua.

Quanta constantia pleræq; puellæ uirginitatis
 propositum tenuerunt. Cap. V.

Grandis profecto constantia est: & eximia, atq;
 admirabilis abdicatio: totum scilicet in holo-
 caustum offerre sese Deo. Alii uitulos, aut
 ariete^s, domos, agros, aurum, argentumue, aut alia
 eiusmodi extranea uota in templis offerunt: at uirgo
 sacra semetipsam deuouet. Et hoc est uotum Naza-
 ræi, quod est super omne uotum insignius, id est uo-
 uere seipsum ut de Christo dictum est, quoniam Na-
 zareus uocabitur. Anna quidem uouit Deo fructum
 uentris sui, & ei Samuelem filium consecrauit, at uero
 semetipsum consecrare longe perfectius est: et cun-
 ctis uotis, oblationibus, hostiisq; præstantius. Quod
 qui facit, imitator sane Christi est, qui obtulit semetip-
 sum pro nobis. O uera, & digna hostia, Deoq; gra-
 tissima: quam qui sic offert dicere merito potest: (quis
 cunque sit ille) uiuo autem iam non ego, uiuit uero
 in me Christus. Talis enim uirgo à domino requi-
 ritur, quæ solummodo cogitet quæ sui domini sunt:
 ut sit

Jud. 17

Matth. 11

2. Reg. 1